



**Termin putovanja:**

**20.05.-28.05.**

**9 dana – 7 noćenja**

**Prijevoz: Avion Turkish Airlines**

# JEDINSTVENO PUTOVANJE JORDAN

**SVI IZLETI + POLUPANSION + NOĆENJE U  
PUSTINJI**

Vodimo vas na road trip kroz Jordan, državu prepunu skrivenih bisera, ali i popularnih turističkih mjesta. Glavni grad Amman je nevjerovatan miks tradicije i modernog stila koji nudi puno više nego što mislite. Šta tek reći za očaravajuću Petru? Jedno od sedam novih svjetskih čuda, mjesto gdje jednostavno morate doći barem jednom u životu, mjesto na kojem ćete poželjati ostati zauvijek. Lezite na Mrtvo more. Da, upravo tako, lezite na more. Pokrijte se ljekovitim blatom i pokušajte se okupati u najslanijoj vodi na planeti. Mi vam garantujemo da malo gdje na svijetu možete uživati kao u Jordanu, te osjetiti taj dašak daleke historije prilagođene modernom svijetu.

**MINIMALNO 20 OSOBA:**

HOTELI	CIJENA ZA PRVIH 10 PRIJAVA:	CIJENA ZA REDOVNE PRIJAVE:
Hoteli 3*,4* i 5*	<b>2.399 KM</b>	<b>2.599 KM</b>

**CIJENA UKLJUČUJE:**

- Avionski prevoz na relaciji Sarajevo – Istanbul – Amman; Aqaba – Istanbul – Sarajevo + aerodromske takse
- Pratilac grupe za minimalno 20 uplata
- Smještaj u hotelima 3\*,4\* u dvokrevetnoj sobi na bazi **POLUPANSIONA**
- Jedna noć u Wadi Rum u luksuznom kampu 5\* na bazi **POLUPANSIONA**
- Asistent na aerodromu te na granici za sve formalnosti
- Vodič na našem jeziku
- 1 mala flaše vode svaki dan za svakog putnika u Jordanu
- **Izleti prema programu**
- Dva sata vožnje džipovima u Wadi Rum

**CIJENA NE UKLJUČUJE:**

- Sve napojnice (hoteli, vodiči, vozači busa i džipova, restorani)
- Putničko zdravstveno osiguranje
- Lične troškove svakog putnika
- Ulaznice prema programu cca 120 USD
- Ručkovi
- Viza za Jordan koja se izdaje na aerodromu u Ammanu i iznosi cca 55 USD

**USLOVI OTKAZA I NAČIN PLAĆANJA:** Prilikom prijave za putovanje potrebno je uplatiti 40% ukupnog iznosa, a ostatak 20 dana prije početka putovanja. U slučaju aranžmana koji se odnose na daleke destinacije kao i za uplate po cijeni ranih rezervacija (Iran, Maroko, Oman, Umra...) prilikom prijave za putovanje potrebno je uplatiti 40% ukupnog iznosa, a ostatak 30 dana prije početka putovanja. Prijava na fakultativne izlete mora se izvršiti prilikom uplate ostatka od ukupnog iznosa putovanja. Prijava za putovanje vrijedi isključivo uz uplatu navedenog depozita. **Po uplati depozita primit ćete račun koji je ujedno i ugovor o putovanju sa kojom prihvatate opće uslove putovanja turističke agencije Relax Tours..** Minimalan broj putnika za putovanje je 20. Ukoliko se na putovanje ne prijavi dovoljan broj putnika najkasnije 5 dana prije početka paket aranžmana putnička agencija je dužna obavijestiti putnika o doplati ili otkazu putovanja. Završne informacije telefonski dostavljamo 2 dana prije početka putovanja. Plaćanje može biti: 1) Avansno: a) gotovinom, b) uplatom na račun Relax Tours-a; 2) Putem administrativne zabrane sa firmama sa kojima Relax Tours ima potpisan ugovor. Cijene su validne za žirnalno i gotovinsko plaćanje sa uračunatim popustom u iznosu od 5%. **STORNIRANJE PUTOVANJA:** Za otkaz 50 - 40 dana prije polaska: 30% storno troškova; 40-30 dana: 40% storno troškova; za 30-20 dana prije polaska: 50%; storno troškova: 20 - 0 dana prije polaska ili ne pojavljivanje zadržava se puni iznos – osim ako u programu drugacije nije navedeno. Ukoliko putnik prilikom prijave za putovanje predviđa da bi zbog nepredviđenih okolnosti morao otkazati putovanje, a u cilju izbjegavanja troškova odustajanja, tada može uplatiti osiguranje od otkaza. Osiguranje od otkaza naplaćuje se prilikom sklapanja Ugovora te ga nije moguće uplatiti naknadno. **OPŠTE NAPOMENE ZA PUTOVANJA:** Agencija zadržava pravo da, u slučaju izmjene cijene prijevoza, izmjene deviznog kursa, nedovoljnog broja prijavljenih putnika i slično, izmjeni cijenu putovanja za odgovarajući iznos. U okviru razgledanja gradova navedenih u programima putovanja, nisu predviđene posjete ni obilasci enterijera javnih građevina, institucija i spomenika kulture, osim kada je to posebno naznačeno. Usluge turističkog vodiča, turističkog pratioca, lokalnog turističkog vodiča ili lokalnog predstavnika organizatora, predviđene programom putovanja, ne podrazumjeva njihovo cjelodnevno i kontinuirano prisustvo, već samo kontakt i neophodnu-nužnu pomoć putniku, po unaprijed utvrđenim terminima periodičnog dežurstva, objavljenih na oglasnoj tabli ili na drugi prikladan način. Usmene i bilo koje druge vrste informacija, koje se razlikuju od onih koje su sadržane u pisanom programu putovanja ili posebnom pisanom ugovoru, ne obavezuju organizatora i ne mogu biti osnov za isticanje prigovora ili reklamacije. Minimum za realizaciju fakultativnog programa je 20 osoba. Organizator zadržava pravo promjene redoslijeda pojedinih sadržaja u programu. Kod autobuskih aranžmana predviđene su pauze radi usputnog odmora na oko 3-4 sata vožnje. Zaustavljanja su na usputnim stajalištima ili benzinskim pumpama, a u zavisnosti od uslova na putu i raspoloživosti kapaciteta stajališta. **KOD AVIO TURA MINIMALNA VALIDNOST PASOŠA MORA BITI 180 DANA OD DANA ULASKA U ZEMLJU.** Agencija nije odgovorna u slučaju pomjeranja predviđenog vremena polijetanja od strane avio-kompanije kao i kašnjenja aviona na jednom ili više redovnih ili čarter letova u toku realizacije putovanja, organizator putovanja nema uticaja na eventualne posljedice izazvane kašnjenjem ili otkazom leta, izazvanim bilo kojim uzrokom, koji je van sfere uticaja organizatora, kao što su bezbjednosni razlozi, dozvole kontrole leta, vremenski uslovi, tehnički kvarovi i sl. već se primjenjuju važeći propisi i uzanse u avio prometu. Svaki putnik mora imati uplaćeno putničko zdravstveno osiguranje (vlastito ili uplaćeno putem agencije) bez obzira da li podliježe procesu viziranja BH pasoša ili ne. Organizator putovanja ne garantuje dobijanje vize.



## KRATAK PREGLED PUTOVANJA:

### 1. DAN / SARAJEVO – ISTANBUL – AMMAN

Polazak s aerodroma u Sarajevu u 14:25 sati te slijetanje u Istanbul u 17:25 sati. Nastavak putovanja iz Istanbula u 20:50 sati te dolazak u Amman, glavni grad Jordana u 01:30 sati. Transfer do hotela. Smještaj.

### 2. DAN / AMMAN – AJLUN – JERASH – AMMAN

Doručak. Dan započinjemo istraživanjem Jerash-a, najboljeg primjera Rimskog grada na cijelom prstoru Srednjeg istoka. Potom ćemo posjetiti Ajluon i Salahuddinovu tvrđavu. Uloga tvrđave je bila da se posmatra prostor Jordanske udoline kao i putevi prema Siriji, ali i zaštiti prostor. Ovdje se nalazi i mali muzej unutar tvrđave, ne propustite predivan pogled s njenog vrha. Povratak u hotel u Ammanu. Večera. Noćenje.

### 3. DAN / AMMAN TURA – MRTVO MORE – AMMAN

Doručak. Krećemo na izlet u Ammanu i istražujemo ovaj užurbani grad. Iako je glavni grad Jordana spomenut još u Bibliji, grad je danas ustvari moderan s nekoliko antičkih atrakcija za posjetiti. U centru grada uživajte u Citadeli s ostacima iz rimskog doba pa sve do islamskog perioda uz mali Arheološki muzej. S druge strane ćete vidjeti Rimski teatar iz 2. stoljeća sa 6 hiljada sjedećih mjesta. Zatim slijedi vožnja prema Mrtvom moru, najdubljem slanom jezeru na svijetu. S obzirom na iznimno visoki salinitet u njemu nema nikakvog života, a isti taj salinitet onemogućava tijelu da potone što je iznimni fenomen te kao takav privlači veliki broj turista koji se vole izležavati na površini mora. Mrtvo more, odnosno jedinstveno slano jezero u pustinjskom krajoliku, preko 400 m ispod morske razine. S obzirom na iznimno visoku razinu slanosti u njemu nema nikakva života, što pomaže kupacima da bez napora mogu plutati na površini (iako se ne preporučuje boravak u vodi duži od 15 minuta). Vrijeme za kratko kupanje. Povratak u hotel u Ammanu. Večera. Noćenje.

### 4. DAN / ASHABUL KAHFI – „PUSTINJSKI DVORCI“ – AMMAN

Doručak. Nakon doručka odlazak u posjetu pećini Ashab el Kahfi, koja je djelimično nastala prirodno, a djelimično izgrađena od strane čovjeka. Pećina Ashabul Kahfi, ili Pećina Sedmorice Spavača, je mjesto koje ima duboko ukorijenjeno mjesto u muslimanskoj tradiciji i vjerovanju. Prema islamskoj predaji, Sedmorica Spavača su sedam mladića koji su se sakrili u pećinu kako bi izbjegli progono zbog svoje vjere u Allaha. Legenda kaže da su ovi mladići, poznati i kao Ashabul Kahfi, ili ljudi pećine, pobjegli od progona i tražili utočište u pećini. Tu su zatim pali u dubok san koji je trajao 300 godina, za koje su vjerovali da su samo kratko spavali. Kada su se probudili, svijet se drastično promijenio, a njihova priča postala je simbol vjerničke izdržljivosti i zaštite Božje milosti. Pećina Ashabul Kahfi postala je sveto mjesto za mnoge muslimane koji posjećuju pećinu kako bi odašiljali molitve i tražili blagoslov. Mnogi vjeruju da posjeta ovom mjestu donosi duhovni mir. Povratak u Amman. Večera. Noćenje.

### 5. DAN / AMMAN – NEBO – PETRA

Doručak. Odjava iz hotela. Čeka vas nekoliko sati duga tura specifičnom rutom. Prvo odlazimo do planine Nebo. S tog mjesta ćete uživati u pogledu na Jordansku dolinu, Mrtvo more i dijelove Svete zemlje. Prema Bibliji, ovo je mjesto odakle je Mojsije posljednji put pogledao Svetu zemlju i naložio da mu to bude mjesto gdje će se ukopati. Kratki put do Madabe, poznatog u Jordanu kao „Grad mozaika“. Pogledajte poznate mozaičke mape Jerusalema iz 6. stoljeća i Svete zemlje u crkvi Sv. Džordža. Nastavljemo put prema prema Petri, gradu Nabetejaca. Poznata je po svojim imponantnim kamenim građevinama i skulpturama, te je često nazivaju "Grad u Kamenu". Prijava u hotel. Večera. Noćenje.

### 6. DAN / PETRA TURA - WADI RUM

Doručak. Nakon doručak krećemo na cjelodnevni izlet Petrom. Petra je najveća atrakcija Jordana, osnovana je još u 6. stoljeću p.n.e. od strane arapa Nabatejaca. Proći ćemo kroz uski kanjon zvan "Sik" uz divne pjeskovite boje. Iza kanjona dolazimo do najljepše građevine, Riznice. Riznica je imponantna grobnica urezana u stijenu koja služi kao monumentalni ulaz u grad. Tu su i mnoge druge građevine poput hrama, grobnica, amfiteatara i stambenih kompleksa, što svjedoči o bogatoj historiji i kulturnom naslijeđu ovog grada. Nastavljamo puto do Wadi Rum-a. Smještaj u kamp. Večera. Noćenje.

### 7. DAN / WADI RUM - AQABA

Doručak. Odjava iz hotela. Krećemo na put prema „Mjesečevoj dolini“ na vožnju džipovima u trajanju od dva sata. Wadi Rum je najveća pustinja u Jordanu i nenaseljena je još od prethistorijskog doba. Nestvaran pejzaž, razne boje pijeska, natpisi Nabatejaca na kamenju i prirodni most od stijena, kanjoni su samo neki od mnogih znamenitosti ovog mjesta koje već dugo služi za snimanje holivudskih filmova. Nakon Wadi Ruma slijedi vožnja nekih 45 minuta do obalnog grada Akabe. Smještaj u hotel. Slobodno popodne na obali Crvenog mora. Večera. Noćenje.

### 8. DAN / AQABA

Doručak. Odjava iz hotela do 12h. Slobodno vrijeme za uživanje u plažama Aqabe. Transfer do aerodroma u Aqabi.

### 9. DAN / AQABA - ISTANBUL - SARAJEVO

Let iz Aqabe u 00:40 sati, te slijetanje u Istanbul u 04:50 sati. Nastavak putovanja iz Istanbula u 07:25 sati, te dolazak u Sarajevo u 08:15 sati (sva vremena su lokalna).